



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-2-40-201-2/25**
Datum: **19.05.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica «MUŠINBEG-KOMERC» d.o.o. Visoko, zastupanog po punomoćniku Burić Edinu iz Visoko, za donošenje Rješenja o vodnoj saglasnosti za ispuštanje tehnoloških otpadnih voda u prirodni recipijent sa lokacije objekta samouslužne autopraonice u naselju Dobrinje, grad Visoko, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj saglasnosti**

1. Pravnom licu «MUŠINBEG-KOMERC» d.o.o. Visoko, daje se vodna saglasnost za ispuštanje tehnoloških otpadnih voda u prirodni recipijent sa lokacije objekta samouslužne autopraonice, koji se planira graditi u naselju Dobrinje, na zemljištu označenom kao k.č. broj: 222/1 K.O. Dobrinje, grad Visoko, a na osnovu projektne dokumentacije:
 - Glavni projekat vanjskih hidroinstalacija – poslovni objekat-samouslužna autopraonica, Visoko, Dobrinje, urađen od «PERSPEKTIVA-inženjering» d.o.o. Visoko, šifra: 20.AM.PER.II/25, februar 2025. godine (revidovan od «ZAVOD ZA VODOPRIVREDU» d.d. Sarajevo, februar 2025. godine).Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.
2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Vodna saglasnost se donosi na osnovu pregleda dostavljene projektne dokumentacije iz tačke 1. ovog rješenja, utvrđenog činjeničnog stanja i pod sljedećim uslovima:
 - 3.1. Radove na objektima i sistemu za prikupljanje, prečišćavanje i ispuštanje tehnoloških otpadnih voda izvesti u skladu sa ovjerenom projektnom dokumentacijom iz tačke 1. ovog Rješenja.
 - 3.2. Način ugradnje separatora i stavljanje istog u pogon uskladiti sa uputama proizvođača opreme u svim fazama.
 - 3.3. Na odvodnom cjevovodu, neposredno iza separatora, izvesti posebno reviziono okno koje će služiti kao okno za uzimanje uzoraka (monitoring okno).
 - 3.4. U toku radova iskopani materijal se ne smije ni privremeno odlagati na česticu «vodno dobro», odnosno u vodotoke i na njegove obale.
 - 3.5. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim kao i postojeće korisnike voda.
 - 3.6. Podnosilac zahtjeva je obavezan ispoštovati uslove iz Rješenja o urbanističkoj saglasnosti broj: 04/1-19-2-140/23 od 16.07.2024. godine izdatog od Službe za urbanizam, imovinsko-pravne, geodetske poslove i katastar nekretnina Grada Visoko.
4. Ukoliko se u toku izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procijenjenu štetu nadoknaditi.
5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektu obuhvaćenom ovom vodnom saglasnošću, korisnik zaštitnih vodnih objekata nije odgovoran za nastale štete.
6. Po završetku izgradnje predmetnog objekta i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata («Službene novine FBiH» broj 31/15, 55/19, 41/20 i 63/22).

7. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
8. Ova vodna saglasnost prestaje važiti istekom roka od dvije godine ukoliko u tom roku ne bude pribavljeno odobrenje za građenje i započeta izgradnja.
9. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice «MUŠINBEG-KOMERC» d.o.o. Visoko, zastupan po punomoćniku Burić Edinu iz Visokog, obratilo se ovoj Agenciji sa zahtjevom za izdavanje vodne saglasnosti, zaprimljenim dana 08.05.2025. godine, za objekat samouslužne autopraonice u naselju Dobrinje, koji se planira graditi na zemljištu označenom kao k.č. broj: 222/1 K.O. Dobrinje, grad Visoko, a u postupku pribavljanja odobrenja za građenje za započetu izgradnju poslovnog objekta.

U provedenom postupku dostavljena je i pregledana sljedeća dokumentacija:

- Kopija Punomoći od 20.09.2023. godine,
- Ovjerena kopija Rješenja o registraciji broj: 043-0-Reg-08-003126 od 02.10.2008. izdatog od Općinskog suda u Zenici,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza broj: 04/1-UPP/1-7707/07 od 01.08.2007. godine izdatog od Uprave za indirektno-neizravno oporezivanje Banja Luka,
- Ovjerena kopija Uvjerenja o poreznoj registraciji od 15.03.2012. izdatog od Porezne uprave FBiH-Kantonalni porezni ured Zenica,
- Dokaz o uplaćenju upravnoj taksi,
- Kopija Urbanističke saglasnosti za započetu izgradnju poslovnog objekta broj: 04/1-19-2-140/23 od 16.07.2024. godine izdatog od Službe za urbanizam, imovinsko-pravne, geodetske poslove i katastar nekretnina Grada Visoko,
- Kopija Urbanističko-tehničkih uslova broj: 04/1-19-2-140/23 od 26.03.2024. godine izdatih od Službe za urbanizam, imovinsko-pravne, geodetske poslove i katastar nekretnina Grada Visoko,
- Kopija Lokacije objekta broj: 04/1-19-2-140/23 od 29.08.2023. godine izdate od Službe za urbanizam, imovinsko-pravne, geodetske poslove i katastar nekretnina Grada Visoko,
- Kopija Rješenja o prethodnoj vodnoj saglasnosti broj: UP-1/21-1-40-169-6/24 od 23.05.2024. godine izdatog od «Agencije za vodno područje rijeke Save» Sarajevo,
- Kopija Saglasnosti za priključak poslovnog objekta na lokalnu vodovodnu i kanalizacionu mrežu od 31.01.2025. godine izdate od Savjeta Mjesne zajednice Dobrinje,
- Kopija katastarskog plana UR broj: 04-26-2466/2022-2 od 05.09.2022. godine izdatog od Službe za urbanizam, imovinsko-pravne, geodetske poslove i katastar nekretnina Grada Visoko,
- Glavni projekat vanjskih hidroinstalacija – poslovni objekat-samouslužna autopraonica, Visoko, Dobrinje, urađen od «PERSPEKTIVA-inženjering» d.o.o. Visoko, šifra: 20.AM.PER.II/25, februar 2025. godine (na uvid i ovjeru),
- Konačni Izvještaj o reviziji projektne dokumentacije, februar 2025. godine, urađen od «ZAVOD ZA VODOPRIVREDU» d.d. Sarajevo (na uvid).

Nakon uvida u dostavljenu dokumentaciju konstatovano je sljedeće:

- Objekat samouslužne autopraonice se planira graditi u naselju Dobrinje, grad Visoko. Predmetna parcela se ne nalazi u vodnom dobru, poplavnom području vodotoka I kategorije, niti u području zaštitnih zona površinskih i podzemnih voda.
- Samouslužna autopraonica će se sastojati od 3 natkrivena i 1 nenatkrivenog boksa pranje vozila.
- Tehnološke otpadne vode od pranja vozila, kao i oborinske onečišćene vode sa prilaznog platoa samouslužne autopraonice će se prikupljati sistemom betonskih kanala sa rešetkom i kanalizacione mreže i odvoditi na tretman taložnik te u tipski separator masti i ulja. Preliv iz separatora je, preko okna za monitoring, u mjesnu kanalizaciju.
- Predviđeno je da se snabdijevanje vodom za tehnološke potrebe obezbijedi iz lokalne vodovodne mreže.
- Projektna dokumentacija je urađena u skladu sa uslovima iz prethodne vodne saglasnosti izdate od ove Agencije.

Urbanističke uslove za izgradnju predmetnog objekta, podnosiocu zahtjeva je kroz izdato Rješenje o urbanističkoj saglasnosti izdala Služba za urbanizam, imovinsko-pravne, geodetske poslove i katastar nekretnina Grada Visoko.

Projektna dokumentacija, dostavljena uz zahtjev, urađena je i revidovana od strane pravnih lica koja imaju Ovlaštenje izdato od strane Federalnog ministarstva poljoprivrede, vodoprivrede i šumarstva (sa liste «A»).

U dokaznom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti, izdatog od strane ovog organa, broj: UP-1/21-1-40-169-6/24 od 23.05.2024. godine, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju: Glavni projekat vanjskih hidroinstalacija – poslovni objekat-samouslužna autopraonica, Visoko, Dobrinje, urađen od «PERSPEKTIVA-inženjering» d.o.o. Visoko, šifra: 20.AM.PER.II/25, februar 2025. godine, data vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama člana 114. Zakona o vodama, te članom 7. Pravilnika o sadržaju, obliku, uvjetima, i načinu izdavanja i čuvanja vodnih akata.

Podnosilac zahtjeva je uplatio upravnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta: Sanja Miličić, građ.ing.

Prilog:

- Ovjereni projektna dokumentacija: Glavni projekat vanjskih hidroinstalacija – poslovni objekat-samouslužna autopraonica, Visoko, Dobrinje, urađen od «PERSPEKTIVA-inženjering» d.o.o. Visoko, šifra: 20.AM.PER.II/25, februar 2025. godine,
- Konačni Izvještaj o reviziji projektne dokumentacije, februar 2025. godine, urađen od «ZAVOD ZA VODOPRIVREDU» d.d. Sarajevo.

Po ovlaštenju
Rukovodilac sektora za izdavanje vodnih akata


Nihad Pezo, dipl.inž.građ.

Dostaviti:

- Edin Burić (punomoćnik «MUŠINBEG-KOMERC» d.o.o. Visoko)
Ulica Čabaravića 33 a, 71300 Visoko (prilog)
- AVP Sava, ISV-vodna knjiga
- Sektor 40 – arhiva
- Oglasna ploča – AVP Sava